



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vitae Sanctorvm

Lippeloo, Zacharias

Coloniae Agrippinæ, 1603

Martyrivm S. Felicis Episcopi Tibirensis, Desumptum ad verbum ex Tomo
2. Anal. Baron. Anno Christi 302. Marcellini Papæ 6. Dioclet. & Maxim. 19.

urn:nbn:de:hbz:466:1-42787

Vide & e-
iusdem Ba-
ron. Not. ad
Martyr.
Rom.
**Tubrocēsis*
alij Tibiurē-
sis.
24. Octob.
**Dioclet. S.*
& Maxim.
8. Coff.
Impium Im-
peratorum
edictum.
**Thibiuren-*
si, & Thiba-
r-nsi.
**Magdellia-*
nis.

MARTYRIVM S. FELICIS EPI-
scopi * Tibirensis, Desumptum ad verbum ex
Tomo 2. Annal. Baron. Anno Christi 302. Mar-
cellini Papæ 6. Dioclet. & Maxim. 19.

CONSTANTINO * Chloro & Galerio
Maximiano quartum Consulibus, exi-
uit edictum Imperatorum & Caesarum
super omnem faciem terræ, & propositum est
per colonias & ciuitates principibus & magi-
stratibus, suo cuique loco, vt libros Deificos
legis peterent de manu Episcoporum & pres-
byterorum. Tunc programma positum est in
ciuitate * Tibirensi die Nonarum Iuniarum.
Tunc * Magnilianus Curator iussit ad se per-
duci seniores plebis. Eadem die Felix episco-
pus Carthaginem fuerat profectus: Aprum ve-
rò presbyterum ad se iussit perducere, & Cy-
rum & Vitalem lectores. Quibus Magnilianus
Curator dixit: Libros Deificos habetis? Aper
dixit: Habemus: Magnilianus Curator dicit:
Date illos igni aduri. Tunc * Aper: Episco-
pus noster apud se illos habet. Magnilianus
Curator dicit: Vbi est? Aper dicit: Nescio.
Magnilianus Curator dicit: Eritis ergo sub
Officio, donec Anulino Proconsuli rationem
reddatis.

Postera aut die Felix Episcopus venit Car-
thagine * Thibarim. Tunc Magnilianus Cura-
tor iussit Felicem episcopum ad se perducere, per
Officiale. Cui Magnilianus Curator dicit:
Felix Episcope, da libros, vel membranas quos-
cunq; habes. Felix episcopus dixit: Melius est
me igne aduri, quàm scripturas Deificas; quibus
bonum

* al. *Cyrus.*

* al. *Tibiur-*
ram.
Felix sisti-
tur Magni-
liano Cura-
tori.

bonum est obedire Deo magis, quàm hominibus. Magnilianus Curator dicit: Prius est quod Imperatores iusserunt, quàm id quod tu loqueris. Felix episcopus dixit: Prius est præceptum Domini, quàm hominum. Magnilianus dixit: Recogira tecum.

Affor. 5.

*Non vult.
tradere sacras scripturas.*

Post tertium autem diem iussit Curator Felicem episcopum ad se perducere, & dixit ei: Recogitasti tecum? Felix episcopus dixit: Quæ prius locutus sum, & modo loquor, & antè Proconsulem ea sum ducturus. Magnilianus Curator dicit: Ibis ergo ad Proconsulem, & ibi rationem reddes. Tunc assignatus est illi Vincetius Celsinus, Decurio ciuitatis Thibirésium. Tunc profectus est Felix à Thibira, 8. Kalend. Iulias: ligatus deductus est: Ligatum verò iussit in carcerem trudi.

Mittitur ad Anulinum Procōsulem.

Alia autem die productus est Felix episcopus antè lucem, cui dixit: Quare scripturas superuacuas nõ reddis? Felix episcopus dixit: Habeo, sed non dabo. Tunc iussit eum alligatum in ima carceris mitti. Post sexdecim autè dies Felix episcopus productus est de carcere in vinculis, hora noctis quarta, ad Anulinum Procōsulem, cui dixit Anulinus: Quare scripturas superuacuas non reddis? Felix Episcopus respondit: Non sum eas daturus. Tunc iussit eum Anulinus Proconsul ad Præfectum prætorio mitti: Idibus Iulij. Tunc Præfectus iussit eum suo carcere recipi, & maioribus vinculis ligari. Post dies autem nouem iussit eum Præfectus ad Imperatores nauigare.

Indè ad Præfectum.

** al. post.*

Tunc Felix Episcopus ascendit nauim cum vinculis magnis, & fuit in capsâ nauis diebus

** al. caesa.*

X - 2

quatuor;

Indè ad Imperatores.

quatuor : volutat sub pedibus æquor; panem & aquam non gustavit; ieiunus in portum peruenit; & in ciuitate Agrigento exceptus est à fratribus, cum summo honore. Indè venerunt in ciuitatem nomine Caranam; ibi similiter sunt excepti. Indè Meslanam venerunt: Indè Taurominium : ibi similiter sunt excepti. Postea fretum nauigarunt, in partes Lucania in ciuitatem nomine Rulo. Indè profecti sunt Venusium, quæ est ciuitas regionis Apuliz. Tunc Præfectus iussit Felicem de vinculis eripi, & dixit: Felix quare scripturas Dominicas non das? aut forsitan non habes? Cui respondit: Habeo quidem, sed non do. Præfectus dixit: Felicem gladio interficite. Felix episcopus dixit voce clara: Gratias tibi Domine, qui me dignatus es liberare.

Permanet constans.

Et ductus est ad passionis locum (cùm etiam ipsa luna in sanguinem conuersa est) die * tertio Kalendas Septembris. Felix episcopus eleuans oculos in cælum, clara voce dixit: Deus gratias tibi; quinquaginta & sex annos habeo in hoc seculo; virginitatem custodiui: Euangelia seruauit: fidem & veritatem prædicaui. Domine Deus cæli & terræ, Iesu Christe, tibi ceruicem meam ad victimam flecto, qui permanes in æternum: cui est claritas & magnificentia in secula seculorum. Amen.] Hucusque Acta Felicis, ex gestis Proconsularibus ad verbum desumpta.

** 9. Calend. Nouemb. Miraculum.*

Plectitur capite 56. etatis sue anno.